

NTAWV CEEB TOOM TXOG QHOV KOM YUAV TSUM KUAJ TXOG KEV SIV TSHUAJ
NOTIFICATION OF REQUIRED DRUG TESTING

Hnub No Yog Hnub Tim	IM Lub Chaw Ua Hauj Lwm/Pawg Koom Ua Hauj Lwm (Agency / Consortium)		
Chaw Nyob			
Nroog	Xeev	Zip Code	
Xov Tooj	Tus Fax Naj Npawb		

Peb cov ntaub ntawv uas sau khaws tseg cia qhia pom tias koj, _____, tau ua txhaum cai loj tias tau siv tshuaj hauv 5 lub xyos dhau los. Koj tau pom zoo los mus ua ib qho kev kuaj txog kev siv tshuaj thaum lub sij hawm uas koj ua ntawv thov FoodShare cov nyiaj pab muas noj. Txog rau hnub no, txawm li cas los, peb tseem tsis tau txais cov ntaub ntawv uas koj tau mus kuaj ntawd seb yog li cas.

Xwv kom koj tau txais FoodShare cov nyiaj pab muas noj mus ntxiv, koj yuav tsum tau mus kuaj txog kev siv tshuaj. Lub chaw ua hauj lwm rau koj yuav tsum tau txais cov ntaub ntawv uas koj mus kuaj ntawd tsis pub kom dhau 30 hnub suav txij hnub uas tau muab teev rau sab saum toj kawg ntawm tsab ntawv no.

Yog hais tias peb tsis tau txais koj cov ntaub ntawv uas koj mus kuaj ntawd hauv 30 hnub txij hnub uas muab sau nyob rau ntawm tsab ntawv no, koj cov nyiaj muas noj FoodShare yuav raug muab txiav kom tas mus. Tej zaum koj kuj yuav tau txais FoodShare dua ntxiv tom qab uas koj ua tiav qhov kev kuaj hais txog kev siv tshuaj thiab peb txais tau cov ntaub ntawv uas tau los ntawm qhov kev kuaj hauv 30 hnub txij hnub mus kuaj qhov kev siv tshuaj. Yog hais tias koj twb tau mus kuaj kev siv tshuaj ib zaug rau lwm lub chaw ua hauj lwm los yog rau ib tus tswv hauj lwm hauv 30 hnub tas los no, hu rau lub chaw ua hauj lwm rau koj ntawm tus xov tooj uas muab teev rau saum toj no kom tau cov lus qhia seb yuav ua li cas thiab muab tau cov ntaub ntawv uas koj tau mus kuaj ntawd siv rau koj qhov kev pab FoodShare. Thiab, yog hais tias muaj ib qho teeb meem ncuu sij hawm ua tsis tiav qhov kev kuaj los yog tsis tau txais cov ntaub ntawv uas koj tau mus kuaj ntawd es yog ib qho uas dhau ntawm qhov koj tswj tau, koj yuav tau hu rau lub chaw ua hauj lwm rau koj kom lawv paub.

Yog koj xa koj cov ntaub ntawv hais txog qhov koj mus kuaj kev siv tshuaj hauv 30 hnub txij hnub uas muab sau rau ntawm tsab ntawv no tuaj rau peb es cov ntaub ntawv kuaj tau tias tsis muaj dab tsi (koj mus dhau qhov kev kuaj kev siv tshuaj), yuav muab koj cov nyiaj muas noj FoodShare benefits rau koj mus ntxiv. Yog koj mus dhau qhov kev kuaj kev siv tshuaj, yuav tsis hais kom koj mus kuaj lwm zaus ntxiv tshwj tias ntshe yog koj tau ua ib qho txhaum cai loj hais txog kev siv tshuaj tshiab no xwb.

Yog koj xa koj cov ntaub ntawv hais txog qhov koj mus kuaj kev siv tshuaj hauv 30 hnub txij hnub uas muab sau rau ntawm tsab ntawv no tuaj rau peb es cov ntaub ntawv kuaj tau tias pom siv tshuaj (koj mus tsis dhau qhov kev kuaj kev siv tshuaj), koj yuav tsis tau txais koj cov nyiaj muas noj FoodShare, thiab koj yuav tsis tau txais FoodShare rau ntawm 12 lub hlis uas yuav tuaj tom ntej. Yog muaj qhov no tshwm sim, koj yuav tsum tau mus kuaj kev siv tshuaj zaum tshiab thiab mus kom dhau qhov kev kuaj xwv thiab rov qab tau txais FoodShare dua ntxiv thaum lub sij hawm 12 lub hlis los xaus lawm.

Ib tus neeg twg uas muab los ntxiv rau koj qhov FoodShare tsev neeg uas raug txiav txim tias tau ua txhaum cai loj hais txog kev siv tshuaj kuj tseem yuav tau mus kuaj thiab mus dhau qhov kev kuaj thiab li muaj feem raws cai tau txais FoodShare.

Thaum koj mus rau ntawm qhov chaw uas tau teem rau koj mus kuaj kev siv tshuaj, nws yog ib qho tseem ceeb kom koj nqa cov tshuaj uas kws kho mob ua ntawv yuav thiab cov tshuaj uas cia li mus yuav tau ntawm tsee (over-the-counter medications) uas tam sim no koj niaj hnub noj nrog koj mus xwv kom tus neeg kuaj thiab paub tias tej zaum cov tshuaj no kuj yuav tshwm rau ntawm cov ntaub ntawv uas kuaj tau koj txoj kev siv tshuaj.

Thaum mus kuaj txog koj kev siv tshuaj, ua raws nraim li cov lus qhia rau lub voj voos (box) uas tau muab kos rau hauv qab no.

- Hu rau lub chaw ua hauj lwm rau koj uas tau muab teev nyob rau saum toj kawg ntawm phab 1 ntawm tsab ntawv no kom teem ib lub sij hawm rau koj mus kuaj txog kev siv tshuaj.
- Mus rau ntawm qhov chaw nram qab no, uas tau teem lub sij hawm rau koj lawm, mus kuaj txog kev siv tshuaj.

Hnub Tim		Sij Hawm	
Txoj Kev Chaw Nyob/Qhov Chaw			
Nroog		Xeev	Zip Code

LUB ROOJ MLOOG KEV NCAJ NCEES (FAIR HEARING)

Koj muaj cai kom tsa muaj ib lub rooj mloog kev ncaj ncees rau koj yog hais tias koj tsis pom zoo raws li ib qhov kev txiav txim twg uas tau ua rau koj hais txog koj daim ntawv thov kev pab los yog koj cov kev pab uas yuav tsum tau mus tsis tu ncu. Koj yuav thov tau kom muaj ib lub rooj mloog kev ncaj ncees uas yog sau ntawv mus rau:

Department of Administration
Division of Hearing and Appeals
P.O. Box 7875
Madison, WI 53707-7875

Yuav mus rub tau daim foos Ua Thov Kom Muaj Lub Rooj Mloog Kev Ncaj Ncees (The Request for a Fair Hearing form) nyob ntawm <https://doa.wi.gov/Pages/LicensesHearings/DHAWFSHrgRequestForms.aspx>. Koj kuj hu tau mus rau lub chaw ua hauj lwm rau koj mus thov kom tsa muaj ib lub rooj mloog kev ncaj ncees rau koj uas yog hais lus rau lawv xwb los tau los yog sau ntawv mus.

TSIS TXHOB XA DAIM NTAWV THOV RAU NTAWM NO

Lub Khoos Kas Pab Txhawb Khoom Noj Zoo (Supplemental Nutrition Assistance Program, SNAP) thiab Kev Muab Khoom Noj Faib rau Cov Neeg Is Dias Uas Raug Pov Thaiv (FDPIR) ntawm cov chaw ua hauj lwm hauv lub lav los sis hauvcheeb tsam thiab lawv cov neeg txais kev pab yuav tsum muab Cov Ntaub Ntawv Hais Txog Qhov Tsis Muaj Kev Ntxub Ntxaug hauv qab no tshaj tawm:

Raws li tsoom hwy teb chaws txoj cai lij choj hais txog cov cai pej xeeb thiab Teb Chaws Meskas Feem Hauj Lwm Saib Xyuas Kev Ua Qoob Loo (US Department of Agriculture, USDA) cov kev cai thiab cov cai hais txog cai pej xeeb, lub chaw ua hauj lwm no raug txwv tsis pub muaj kev ntxub ntxaug vim yog saib raws haiv neeg, xim tawv nqaij, lub teb chaws yug, poj niam los sis txiv neej (xws li kev txheeb qhia tias yog poj niam los txiv neej thiab kev nyiam rau fab kev sib daj sib deev), kev ntseeg dab qhuas, kev xiam oob qhab, hnuv nyoog, kev ntseeg kam nom kam tswv, los sis kev pauj kua zaub ntsuab los sis kev ua pauj rau kev sawv nqua hu cov cai pej xeeb yav ua ntej.

Lub khoos kas no cov ntaub ntawv kuj yuav muaj ua lwm hom lus uas tsis yog lus Askiv thiab. Cov neeg xiam oob qhab uas xav tau lwm txoj hauv kev sib txuas lus los txais lub khoos kas no cov ntaub ntawv (xws li Cov Ntawv Rau Neeg Dig Muag, cov ntawv luam ua tus ntawv loj, cov suab kaw lus, Hom Lus Piav Tes Meskas, thiab lwm yam) yuav tsum tiv tauj rau lub chaw ua hauj lwm (lub lav los sis hauv cheeb tsam) raws li qhov chaw uas lawv ua ntawv thov cov nyiaj pab. Cov neeg lag ntseg, hnov lus tsis zoo los sis hais tsis tau lus zoo, tuaj yeem tiv tauj rau USDA dhau los ntawm Federal Relay Service ntawm tus xov tooj (800) 877-8339.

Txhawm rau ua daim ntawv tsis txaus siab txog kev ntxub ntxaug hauv lub khoos kas, Tus Neeg Tsis Txaus Siab yuav tsum ua kom tiav Daim Foos AD-3027, USDA Daim Foos Hais Kev Tsis Txaus Siab Hauv Lub Khoos Kas uas yog tuaj yeem mus muab tau nyob hauv online ntawm: <https://www.fns.usda.gov/sites/default/files/resource-files/ad3027-hmong.pdf>, muab los ntawm USDA txhua lub chaw ua hauj lwm, los ntawm kev hu rau tus xov tooj (833) 620-1071, los sis yog los ntawm kev sau ntawv rau USDA qhov chaw nyob. Tsab ntawv yuav tsum muaj tus neeg tsis txaus siab lub npe, chaw nyob, nab npawb xov tooj, thiab sau cov lus piav qhia qhov kev ntxub ntxaug uas koj tau iab liam kom ntxaws txaus los qhia rau Tus Tub Tuav Ntaub Ntawv Pab rau Cov Cai Pej Xeeb (Assistant Secretary for Civil Rights, ASCR) hais txog qhov xwm txheej thiab hnuv tim uas muaj qhov kev yuam cov cai pej xeeb uas raug iab liam ntawd tshwm sim. Yuav tsum muab daim foos AD-3027 los sis tsab ntawv uas sau tiav lawm xa mus rau:

- (1) **xa pais xab nis:**
Food and Nutrition Service, USDA
1320 Braddock Place, Room 334
Alexandria, VA 22314; los sis
- (2) **fev:**
(833)-256-1665 los sis (202)-690-7442; los sis
- (3) **xa email:**
FNSCIVILRIGHTSCOMPLAINTS@usda.gov

Lub chaw ua hauj lwm no yog ib lub chaw uas muaj vaj huam sib luag.

TSIS TXHOB XA DAIM NTAWV THOV RAU NTAWM NO